

**1962 LIZARDI POESIA-SARIAREN OIÑARRAK**

Gipuzkoako Aharro Kaxa Probintzialak amar milla pezetako sari bat sortu du urtero emateko Euskaltzaindiaren ardurapean. "Lizardi" poesia-saria olerkarien klasean ari diranentzat, eta lau poesia-sari bertsolarien klasekoentzat ornituko ditu.

"Lizardi" sariaren oiñarriak dira:

1. Bost milla pezetako sari bat emango da ezin zatitu izango dana.
2. Bialtzen diran poesia-lanak nai dan bezelako luzeera eta gaia izan dezakete eta bertsotan euskeraz egitiak izan bear dute.
3. Juzgua emango duen juradua Gipuzkoako Aharro Kaxa Probintzialak izendatuko du Euskaltzaindiaren eskabidez lanak bialtzeko epea bukatzen danean.
4. Lanak Euskaltzaindira bialdu bear dira (Ribera, 6. Bilbao) 1962 maiatzaren 24-a baiño leen. Lema batekin firmatu bear dira eta lemaren giltza sobre itxi batean bialdu.

**ANTONIO BILBAO MONASTERIO 1962 LIZARDI POESIA SARIAREN IRABAZLE**

Manuel Lekuona, Antonio Arrue eta Luis Mitxelena juradua osatzen zuten jaunak Donostian bildu ziran garagarrillaren 8-an erabakitzeke nori eman saria eta "Irribarre ta lore" izeneko olerkiari eman zioten. Egillea Antonio Bilbao Monasterio Morga-koa da. Aipamen berezi bat merezi zuela adierazi zuten "Illobi izengabea" deritzan olerkiak. Egillea Eusebio Erkiaga du.

**1962 URTEKO POESIA SARIAK BERTSOLARIEN KLASEAN ARI DIRANENTZAT**

Gipuzkoako Aharro Kaxa Probintzialak amar milla pezetako sari bat sortu du urtero emateko Euskal Akademiaren ardurapean. "Lizardi" poesia saria olerkarien klasean ari diranentzat, eta lau poesia-sari bertsolarien klasekoentzat ornituko ditu.

Bertsolarien klasean ari diranentzat ipintzen diran poesia-sarien oiñarriak dira.

- a) Sariak izango dira: 1. Bi milla pezeta; 2. Milla ta bosteun pezeta; 3. Milla pezeta; 4. Bosteun pezeta.
- b) Urtearen barruan argitaratutako bertso-paperik onenak sarituko dira. Bertso-paper inprimatuaren amar ale bialdu bear dira Euskal Akademiara (Ribera, 6. Bilbao). Bialtzeko epea 1962 azaroaren 29-an bukatzen da.
- d) Gaia libre.

e) Bertso-papera argitaratzen danean, eta jakiteko zein dan bertsolari egillearen izena, "Bertso berriyak urliyak jarriyak" edo beste alako zerbait ipiñi bear da aspaldiko oiturari segituaz.

f) Juzgua emango duen juradua Gipuzkoako Aharro Kaxa Probintzialak izendatuko du Euskal Akademiaren eskabidez.

g) Sariak Donostian emango dira bertsolarien jai edo txapelketa batean.

### **LAU BERTSO PAPEL SARITU DIRA BERTSOLARIEN KLASEAN EGIÑAK**

Donostiako Diputazioan batzarre bat egin dute bertso papelen txapelketa erabakitzeko izendatu zan juradukoak eta ao batez erabaki batera eldu dira.

Lendabiziko saria amabi bertsokin osatutako bertso papel batek irabazi du Jesus Lete "Ibai-ertz" Isasondo-koak egiña.

Bigarrena Sebastian Salaberria-k ama euskerari jarritako amabi bertsokin.

Irugarrena Manuel Uranga-k ama alargun bati paratutako amar bertsokin.

Eta laugarrena Basilio Pujana Zeanuri-ko seme Bilbon bizi danak amabost bertso dituen papel batekin.

Juradua urrengo jaun auek osatu dute: Manuel Lekuona, Fernando Artoia "Bordari", Juan Maria Lekuona, Juan San Martin, Aita Antonio Zabala Jesusen Konpañiakoak, Antonio Arrue, Aita Martzelo Andrinua pasionista, Pedro Diez de Ulzurrun medikua eta Alfonso Irigoyen.

Ernani-n Txirrita zanari 1963 maiatzaren 12-an egin zitzaion omenaldian partitu ziran sariak dira: lendabizikoari bi milla pezeta. Bigarrenari milla ta bosteun. Irugarrenari milla. Eta laugarrenari bosteun.

### **ORIXE ZANAREN GORAZARREZ IPINTZEN DIRAN AURREN IPUI SARIKETA ETA POESIA SARIAREN OIÑARRIAK**

1. Aurren ipui sariketara amabost urte oraindak egin gabe daudenak bialdu ditzakete lanak.

2. Iru sari emango dira. Lendabizikoa bosteun pezetakoa, bigarrena iru-reunekoa, eta irugarrena berreunekoa.

3. Euskeraz egindako ipui bat bialdu bear da.

4. Poesia sari bi emango dira, lendabizikoa iru milla pezetakoa, eta bigarrenari milla ta bosteunekoa, eta nai duten guztiak bialdu ditzakete lanak.

5. Bialtzen diran poesia lanak nai dan bezelako luzeera eta gaia izan dezakete eta bertsotan euskeraz egiñak izan bear dute.

6. Sariaketa bien juradua Euskaltzaindiak izendatuko du.

7. Lanak Euskaltzaindira bialdu bear dira (Ribera, 6. Bilbao) 1963 irai-